

Խ. ԱԲՈՎՅԱՆԻ «ՎԵՐՔ ՀԱՅԱՍՏԱՆԻ» ՎԵՊԻ ԱՌԱՋԱԲԱՆԻ ԽՈՐՀՈՒՐԴ*

Ժամնա Բեգլարյան

Բանալի բառեր՝ հայ նոր գրականություն, անցյալի նվաճումներ, կլասիցիզմի ուղղություն, հայի հոգեկերտվածք, գրականության օբյեկտ, համաշխարհային քաղաքակրթություն, ազգապահպան գործոն, գեղագիտական սկզբունք, ռոմանտիզմի հայ ներկայացուցիչներ:

Խաչատուր Արովյանի «Վերք Հայաստանի» վեպի՝ որպես հայ նոր գրականության առաջննեկի առաջարանը բանալի է վեպի գաղափարաբանական, գեղագիտական նկատառումները ճշշտ ընկալելու համար: Ակադեմիկոս Ս. Սարինյանը «Վերք Հայաստանին» բարդ ստեղծագործություն է համարում, «բարդ, ոչ այնքան հոգերանական խճակած հանգույցներով, սյուժետային անցումների խորհրդավորությամբ, որքան ինտելեկտուալ ներքին հոսքերի զուգորդությամբ»:[1]

Ներքին հոսքերի այս զուգորդումներին վեպի հեղինակն անդրադառնում է առաջարանում՝ դարձնալով իր վեպի առաջին մեկնարանը: Առաջարանը բացելով Հին Արևելքի արքաներից մեկի՝ Լիդիայի թագավոր Կրեսոսի կյանքի ճակատագրական մի պահի պատմությամբ, իրեն համեմատում է Կրեսոսի քսանամյա համը որդու հետ, որի համը լեզուն բացվում է հոր գլխին կախված վտանգի պահին: Ահա ուր որ է՝ պարսիկի սուրը պիտի իջներ Կրեսոսի գլխին, կամ Կրեսոսն ինքը վերջ տար իր կյանքին՝ անօրեն պարսիկին չգերպելու համար, բայց թե՛ Կրեսոսը, թե՛ պարսիկը եւ են կանգնում ճակատագրական հարվածից, որովհետև հոր համար պահի խորհրդավորությունը լցվում է համը որդու խոսելով, իսկ պարսիկին պարզ է դաշնում, որ իր առջև փախչողը Կրեսոսն է, որին հրամայված էր չսպանել:

Որդիական սիրո հզոր ուժի բացահայտման խորհրդին է հետամուտ հեղինակը, որ կարող է հոր, Արովյանի պարագայում՝ ազգի, հայրենիքի համար ճակատագրական պահին ջարդ ու փշուր անել բնության մեջ կամ տիեզերքում գոյություն ունեցող ամենաամուր կապանքն անգամ: «Ոչ քսան-երեսուն տարուց ավելի աշ իմ ազիզ հեր, իմ սիրելի ազգ, որ սիրտս կրակ ա ընկել, էրվում, փոթոթվում ա, գիշեր, ցերեկ լացն ու սուրը իմ աչքիցը, ախն ու վախը իմ բերանից չի պակասում, այ իմ արյունակից բարեկամք, որ մեկ միտքս ու մուրազ ծեզ պատմել ու հետո հողը մտնեի»:[2]

Գրաբարով ստեղծագործական բավականաչափ ճանապարհ անցած Արովյանը հոգու դրամատիզմով էր գիտակցում գրական այն ճեղքածքը, որ ստեղծվել էր իրեն նախորդած ժամանակաշրջանների և իր ժամանակի միջև: Իր ժամանակում ստեղծվող գեղարվեստական գրականությանը կարող էին հաղորդակցվել մի բուռ գրաբարախմաց ընտրյալներ և ոչ թե ժողովուրդը: Գրաբարը վաղուց գորց լեզու էր և ոչ թե հաղորդակցման, այս մեռած լեզու էր, և նրանով ստեղծվող գրականությունը թեն հարգի էր, բայց հասանելի չէր «հարիր հազարին»:

Հայ գրականության անցյալի նվաճումները յուրացուած խ. Արովյանը քաջատեղյակ էր մեր աշխարհականացած գրականությանը՝ Նարեկացուց մինչև Սայաթ-Նովա: Սայաթ-Նովայի թիֆլիսահայ բարբառով գրած երգերը երգվում էին ժողովրդի մեջ: Եվ, այ-

* Հոդվածն ընդունվել է 04.02.2016:

Հոդվածը տպագրության է երաշխավորել »Գրիգոր Նարեկացի» համալսարանի հայոց լեզվի և գրականության ամբիոնը:

ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

նուամենայնիվ, Արովյան գրողի լեզուն փակ էր, որովհետև անհասկանալի էր սիրելի ազգին: 19-րդ դարասկզբին Մխիթարյան միաբանության գրողները, որդեգրելով օստարածին կլասիցիզմի ուղղությունը և նրա անխախտ օրենքները, գրականություն են բերում ստեղծագործություններ, որոնք իրենց գաղափարաբանությամբ ու վերամբարձ գրաբարով խոր են մնում ժողովրդին: «Հայ ազգը պետք է որ սիրու չի ունեցած զններ, որ էսքան բամերը զիշտվը անց են կացել, մեկ մարդ էլ չի դուռս եկել, մեկ սրտի բան գրի, ինչ կա, եկեղեցու վրայա, աստծու ու սրբերի, բայց հեթանոս Հոմերի, Հորացի, Վիրագի, Սոֆոկլեսի գրքերը՝ երեխեքն էլ զիխատակներին ունեին, չունքի բոլորը աշխարհի բաներ են»[3]:

19-րդ դարասկզբին ստեղծվող գրականությունն ավելի շատ գրականության պատմական գարգացման առաջընթացն էր ապահովում, քան բավարարում ժողովրդի հոգևոր պահանջները:

Եվրոպական մշակութային տեղաշարժերին քաջատեղյակ Արովյանը չէր կասկածում իր ազգի ստեղծագործ ոգու ներուժին, համոզված էր, որ իր ընտիր ազգը կարող է համընթաց քայլել ժամանակի մշակութային նվաճումներին, բայց պահպանողական ուժերն արհեստականորեն կասեցնում են այդ առաջընթացը:

Արովյանը Դորպատից հայրենիք էր Վերադարձել կրթական համակարգում, գրականության մեջ լուսավորական տեղաշարժերի մեջ ծրագրերով: Պահպանողական ուժերի հետ շարունակական բախումները հոգուր պացքներն արգելակող հանգամանքներ էին: Արովյանի համար լոյրին չէր միանգամից լեզվի, գաղափարի, թեմատիկայի խնդիրներ լուժել: Մի քանի լեզուներով ընթերցող Արովյանը գիտեր, որ Եվրոպայում շատ ժողովուրդներ թողնելով իրենց հին լեզուն, անցել էին նորին: Ուսւաստանում Կարամզինը առաջ էր քաշել «Գրիր այնպես, ինչպես խոսում ես, խոսիր այնպես, ինչպես գրում ես» կարգախոսը: Արովյանը երկնտելու պատճառներ ուներ: Նրա «Նախաշավիդ», որը ներկայացրել էր Կազմանի համալսարան՝ գիտական աստիճան ստանալու համար, մերժմել էր՝ գրեհիկ լեզվով գրած լինելու համար: «Չունքի ես էլ էի ուզում, որ ինձ վրա չծիծաղին, չասեն կուպիտ ա, հիմար ա, որ բերականություն, ճարտասանություն, տրամաբանություն չգիտի, ես էլ էի ուզում, որ ասեն. «ՕՇ, էնպես խորը, խորին շարադրել գիտի», որ սատանեն էլ միշհցը մեկ բար չի կարող իմանալ: ... Ես էլ էի ուզում, որ իմ գլուխս ցոյց տամ, որ ինձ վրա զարմանան ու ինձ գովեմ՝ «թե հայերեմ շատ խորը տեղյակ եմ» [4]...»

Նոր գրականություն ստեղծելու ճանապարհին լեզվի խնդիրը միակը չէր, որ դրված էր Արովյանի առջև, բովանդակության առումով էլ ասպարեզում եղածը չէր բավարարում ժամանակի պահանջները: «Ուսիսի, նենեցի, ֆրանցուզի լեզվումը ինչ բան որ կարդում էին, նրանց անմեղ հոգուն էլ էին էլ բաները դուր գալիս: Նրանք էլ էին կարդում էն բաները, որ մարդի սիրու կարող է գրավի, չունքի սրտի բաներ էին, ով չի սիրի, ով չի ուզի լսիլ, թե սերը, բարեկամությունը, հայրենասիրությունը, ծնողը, զավակը, մահը, կրիվը ինչ զատ են» [5]:

Արովյանը գիտակցում էր, որ ստեղծվելիք գրականության գաղափարաբանության հիմնական շեշտադրումները պիտի դարնան Հայաստանը՝ որպես մարդկային քաղաքակրթության փրկության և աստվածաշնչյան դրախտի օրորան, նրա պատմական հերոսական անցյալը, ներկա օրհասական քաղաքական վիճակը, իր ընտիր ազգի ապագա ճակատագիրը: «Մտածում էի՝ ծեր կորցրած փառքն ու մեծությունը, մեր առաջին՝ էն հիմնալի թագավորաց, իշխանաց գործքն ու կյանքը, հայրենյաց մեր սուրբ աշխարքի առաջվան սքանչելիքն ու հրաշքը, մեր ընտիր ազգի աննման բնությունը և արած քաջությունները: Մասիս առաջին էր կանգնած միշտ...»

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

...Հայկ, Վարդան, Տրդատ, Լուսավորիչ՝ քնած տեղս էլ ինձ ասում էին, որ ես իրենց որդին եմ, Եվրոպա, թե Ասիա, ինձ անդադար ծեն էին տալիս, թե Հայկա զավակն եմ ես, Նոյան թոռը, Էջմիածնա որդին, դրախսի բնակիչը»[6]:

Հայր, իր հոգեկերտվածքի բարձր հատկանիշներով դարձալով այս գրականության օբյեկտը, պիտի ապացուցեր հարատևելու և ի վերուստ տրված բնական սքանչելիքների արժանավոր տիրոջ իր իրավունքը: Պետք է ապացուցեր, որ, փոքր ազգ լինելով, համաշխարհային քաղաքակրթություն բերած իր խոշոր նվաճումներով արևի լուսի տակ նոյնքան ազատության, ինքնիշխանության իրավունք ուներ, որքան իր ժամանակի ազատ ու ինքնիշխան մեծ ազգերը: Այս գրականության գաղափարաբանության մեջ լեզուն ու հավատը, որպես ազգապահապան գործոններ, պետք է դարձնան ոչ միայն քարոզչություն, այլև պաշտամունք: «Մեկ ազգի պահողն էլ՝ լեզուն ա ու հավատը, թե սրանց էլ կորցնենք, վայն եկել ա մեր օրին: Հայոց լեզուն առաջին փախչում էր Կրետոսի նման»[7]:

Հայոց նոր գրականությունը պիտի բարձին հերոսականության ելաչումներով, որով ափեափի լիքն էր մեր ժողովրդի բանավոր գրականությունը՝ բանահյուսությունը՝ սկսած գործան երգերից մինչև Արովյանի ժամանակներում պատումը ու երգվող Քյոր Օղլու խաղերն ու ասքերը: Արովյանը խորն էր գիտակցում բանահյուսության՝ որպես գեղարվեստական գրականությունը սնող ամսապատճեն աղբյուրի նշանակությունը: Բանահյուսության մեջ են պահպանված հայ ժողովրդի լեզվամտածողության ողջ փիլիխոփայությունը, հոգեկերտվածքի յուրատիպությունն ու պատմական անցած ճանապարհի գեղարվեստական խոտացումները: Այս եղանակով հայոց ստեղծվելիք նոր գրականությունը կապահովեր իր ժողովրդայնությունը: Բնականաբար, այս գրականության հերոսը պիտի լիներ պատմության դաժան հարվածներին դիմացած, հողին կամ ժողովրդի զավակը՝ իր հերոսականությամբ հավասարված մեր պատմակիպական երգերի հերոսներին, էպոսի ոյուցազուններին: «Երեսուն տարվա փակ լեզուս Աղասին բաց արեց», կամ՝ «Միտք արի, միտք արի, մեկ օր էլ ասեցի ինձ ու ինձ, արի՝ քո բերականությունն ճարտասամություն, տրամաբանություն ծալիր, դրադ դիր, մեկ աշքը էլ դու դառ»[8]:

Գեղագիտական այս սկզբունքներով է առաջնորդվել Խ. Արովյանը՝ հայ նոր գրականության առաջին վեպի՝ «Վերքի» հերոս դարձնելով «աղքատ ու մեռած Աղասուն»: Արովյանի գլխավոր հերոսը ժողովրդական վրիժառու է՝ ոյուցազնական ուժ ու հավատով, որը վիպական գործողությունների զարգացման ընթացքում վերաճում է հայրենիքի ազատության համար պայքարող գինվորի: Նման գրականությունը ոչ տասի, արդեն «հարիր հազարի» գրականություն էր: «Վերքում», բացի Աղասուց, մի շարք կերպարներ կան, որ հեղինակի գաղափարների կրողներն են:

Գեղագիտական նման սկզբունքների համոզչությամբ Արովյանը դեռ տարակուսում էր՝ ընդունելի՝ կյինի իր ստեղծագործությունը սիրելի ժողովրդին: Նրա տարակուսանքը փարատողը դառնում է մանկության ընկերը՝ ժամանակի անվանի բժիշկ Աղաֆոն Սմբատյանը, ով, ժանոթանալով «Վերքի» առաջին էջերին, խորհուրդ է տալիս գործը շարունակել նոյն ոգով: Այլև ջարդված էր լեզվական կապանքը, այլև մտքի հոսքի դեմն առնելն անհնարին էր: Ազգի սերն էր առաջնորդ ուժը, ազգի իրավունքի հաստատման հրամայականը: «Թող ինձ այսուհետ տգետ կամքեն, լեզուս բաց ա եղել, իմ ընտիր, ազիզ, իմ սրտի սիրելիքան ազգ: Թող տրամաբանություն գիտացողն իր համբարի համար գրի, ես՝ քո կորած, շվարած որդին, թեզ համար: Բանի բերանումս լեզու կա, փորումս՝ սիրու, ես լեղապատար ծեն կտամ: «Էդ ո՞ւմ վրա եք թուր հանել, հայոց մեծ ազգին չե՞ք - Ճանաչում»[9]:

Վեպն իր գաղափարաբանական, գեղագիտական, լեզվական ծերքբերումներով հետագա տարակարծությունների առանցք դարձավ: Բայց որ այն ստեղծման պահից

ՄԵՄՐՈՊ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

առ այսօր մեր ազգային դիմանկարը խտացնող, ազգի ապագան կամխանշող առաջին մեժակուավ երկն է, երկու կարծիք լինել չի կարող:

Հայ նոր գրականության սկիզբն ազդարարող «Վերքը» այդ գրականության զարգացումը պայմանավորող դպրոց էր, որից սովորեցին ռոմանտիզմի հայ ներկայացուցիչները: Հայոց մեծ բանաստեղծը՝ Հովհաննես Շիրազը, ժամանակակիցների վկայությամբ, ամեն տարի վերընթերցում էր «Վերքը», թեև գոեթե անգիր գիտեր, որովհետու վեպն ամբողջության մեջ հայրենապաշտության աղոթք է՝ գրված բանաստեղծական հղոր շնչով ու ովնորությամբ:

ԾԱՆՈԹԱԳՐՈՒԹՅՈՒՆՆԵՐ

1. Ս. Սարինյան, «Հայոց գրականության երկու դարը», հ. 3, Եր., 2002, էջ 105:
2. Խ. Աբովյան, «Վերք Հայաստանի», Եր., 1975, էջ 6:
3. Նույն տեղում, էջ 8:
4. Նույն տեղում, էջ 7:
5. Նույն տեղում, էջ 6:
6. Նույն տեղում, էջ 11:
7. Նույն տեղում, էջ 11:
8. Նույն տեղում, էջ 10:
9. Նույն տեղում, էջ 13:

ԱՄՓՈՓԱԳԻՐ

Խ. Աբովյանի «Վերք Հայաստանի» վեպի առաջաբանի խորհուրդը Ժաննա Բեգլարյան

Հոդվածում վեր է հանվում Խ. Աբովյանի «Վերք Հայաստանի» վեպի նշանակությունը՝ նրա գաղափարաբանական, գեղագիտական նկատառումները ճիշտ ընկալելու համար: Խ. Աբովյանը, տեղյակ լինելով մեր աշխարհականացված գրականությանը և Եվրոպական վեպի նվաճումներին, իր առաջ խնդիր է դնում գրվելիք վեպով լուծել լեզվի, գաղափարի ու թեմատիկայի խնդիրներ: Արդյունքում՝ արարվում է «Վերք Հայաստանին», որն ազդարարում է հայ նոր գրականության սկիզբը:

РЕЗЮМЕ

Сущность предисловия романа Х. Абовяна “Раны Армении” Жанна Бегларян

Ключевые слова: новая армянская литература, достижения прошлого, направления классицизма, армянский менталитет, объект литературы, всемирная цивилизация, фактор национальной защиты, эстетический принцип, представители армянского романтизма.

В статье рассматривается значимость предисловия романа Х. Абовяна “Раны Армении” для правильного восприятия идеологических и эстетических идей романа. Будучи знаком со светской литературой и с достижениями европейского романа, Х. Абовян ставит перед собой задачу разрешить проблемы языка, идеологии и тематики. В результате создается роман “Раны Армении”, которым знаменуется начало новой армянской литературы.

SUMMARY

The Essence of the Preface of Khachatur Abovyan's the *Wounds Of Armenia*
Zhanna Beglaryan

Keywords: new Armenian literature, the achievements of the past, Armenian mentality, the object of the literature, world civilization, the factor of national keeping, aesthetic principle, representatives of the Armenian romanticism.

The article considers the value of the preface of Khachatur Abovyan's *The Wounds of Armenia* for the correct perception of ideological and aesthetic considerations of the novel. Being familiar with secular literature and the achievements of the European novel, Khachatur Abovyan aims to solve the problems of the language, ideology and theme. As a result the novel *The Wounds of Armenia* is created, which marks the beginning of the new Armenian literature.